

TEZAU LITURGIC
20 IULIE

ACATISTUL
SF. PROROC
ILIE
TESVITEANUL



MOSCOVA, 2000



Акафист

святому пророку Божию Илие

Кондак 1

Избранный Богом на обращение Израиля от прелести Вааловы, грозный обличителю царей законопреступных, просиявый пламенною ревностию по Бозе Вседержителю, святостию жизни и чудесы, восхищенный с плотию твоєю на Небеса и предыти имей Второму пришествию Христову, похвальная восписуети, пророче Божий Илие; ты же, яко имей велие дерзновение ко Господу, от всяких нас зол и обстояний молитвами твоими свободдай, благочестно тебе вопиющих:

Радуйся, Илие, великий пророче, Второго пришествия Христова славный предтече.

Икос 1

Ангел ревностию по Бозе и чистым житием твоим, сый во плоти, пророче, был еси: еще бо младенцу ти бывшу отец твой Словах виде светлыя Ангелы, беседующия с тобою, огнем ты повивающия и пламенем питающия, еже

прознаменоваше пламенную ревность твою по Бо́же, силу словес твоих и жити́е, я́ко свет, непоро́чное. Сего́ ра́ди со удивле́нием зове́м ти такова́я:

Ра́дуйся, от вѣчности предызбра́нный в служе́ние спасе́нию сыно́в Изра́илевых;

ра́дуйся, от чрева ма́терня предугото́ванный в провозвѣстника Божѣственныя истины и благочѣстия.

Ра́дуйся, пресла́вным, бѣв́шим на тебе́, виде́нием роди́теля твоего́ удиви́вый;

ра́дуйся, дѣвственную чистоту́ и безмо́лвие от ю́ности возлюб́ивый.

Ра́дуйся, суету́ ми́ра сего́ и вся блага́ его́ презре́вый, ду́шу же твою́ всеце́ло Го́споду посвят́ивый;

ра́дуйся, све́том премудрости от Бо́га озаре́нный и уче́нием благочѣстия изде́тства напо́енный.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 2

Ви́дя нечѣстие и развращѣние во Изра́или, пресла́вный проро́че, зело́ ду́хом твои́м скорбѣл еси́ и ре́вностию по сла́ве Божией воспламеня́лся еси́; я́ко сы́нове Изра́илевы мѣрзким и́долом поклоня́шася, от Бо́га же И́стиннаго отступи́ша, Ему́же вся небѣсная во́инства со стра́хом вопи́ют: Аллилу́иа.

Икос 2

Ра́зум свой зло́ю во́лею омрачи́в, беззаконный царь изра́ильский Аха́в, оста́ви И́стиннаго Бо́га Вседержи́теля и поклоня́шеся мѣрзкому и́долу Ваалу́, купно же и в ца́рстве своѣм умно́жи идолопоклонѣние и нечѣстие. Ты же, проро́че, исполнен сый вѣлия ре́вности по Бо́зе, дерзнове́нно обличил еси́ царя́, возвестив ему́, я́ко в наказаніе ему́ и ца́рства его́ три лѣта и мѣсяц шесть не бу́дет дождь, ни роса́, и глад вѣлий бу́дет по всей землѣ. Дивя́шеся у́бо толицей ре́вности твоѣй по Бо́зе и вѣлию дерзнове́нию, с любовью зове́м ти:

Ра́дуйся, небо́язненный проповѣдниче истины и крѣпкий поборниче благоче́стия;

ра́дуйся, ре́вностный нечѣстия обличителю.

Ра́дуйся, к наказáнию нека́ющихся грéшников долготерпеливаго Бо́га преклонивый;

ра́дуйся, сло́вом твоим не́бо заключивый и плодонóсную зéмлю непло́дну сотворивый.

Ра́дуйся, трилётный глад за нечестие людий от Гóспода испросивый;

ра́дуйся, я́ко Всевы́шний Господь дарова́ тебе в Бо́га Аха́ву, я́коже дрéвле Моисе́а фарао́ну.

Ра́дуйся, Или́е, вели́кий проро́че, Вторáго пришéствия Христо́ва сла́вный предте́че.

Кондак 3

Си́лою моли́твы твоея́, предивный проро́че, войи́стину заключи́ся не́бо и не одожди́ три ле́та и ме́сяц шесть, и бысть глад ве́лий по всей земли́: да понé зно́ем и гла́дом томими, нечестивии лю́дие пока́ются и обратят́ся ко Гóсподу, со уми́лением зову́ще Ему́: Аллилу́иа.

Икос 3

Име́я ве́лие благоволе́ние к тебе́, проро́че, Господь восхоте́ отлучи́ти тя от беззакóнных сыно́в Изра́иля, да не с ними́ терпиши глад и жа́жду, и повеле́ тебе́ ити́ к пото́ку Хора́фову, иде́же

вранове питаху тя, приносяще хлеб и мясо. Тём же приносим тебе похвальная сия:

Радуйся, постом и бдением вся земная и суетная помышления истребивый;

радуйся, молитвою и богомыслием ум твой в горняя вперивый.

Радуйся, патриархов величание и пророков красото;

радуйся, девственников похвало и преподобных славо.

Радуйся, святителей наставниче и мучеников крепосте;

радуйся, яко нечестием и неверием ослепленных сынов Израилевых на путь истины обратил еси.

Радуйся, Илие, великий пророче, Второго пришествия Христова славный предтече.

Кондак 4

Буря велия, разрушающая горы, предыдяше, егда приближашеся к тебе, пророче, в Хориве Господь, таже явися трус, и не в трусе Господь, и по трусе огонь, и не во огни Господь, а по огни бысть глас хлада тонка, и ту явися тебе Господь,

Его́же прису́тствие ошути́в, покры́л еси́ лице́ твоё́ ми́лотию, со стра́хом и ра́достию зовы́й Ему́: Аллилу́иа.

Икос 4

Слы́шав нечести́вый царь Аха́в повеле́ние твоё́, о́ еже собра́ти вся ко́лена Изра́илева на го́ру Карми́льскую, и приве́сти на ту студи́ныя проро́ки Ваа́ловы, а́бие посла́в, собра́ вся, и сам при́иде та́мо. Ты же, ревни́телю сла́вы Бо́жия, хотя́ конё́чне посрами́ти ме́рзкия идо́лы и просла́вити Исти́ннаго Бо́га, повеле́л еси́ угото́вати две же́ртве, огня́ же на ты́я не возгне́щати, рек: «И бу́дет Бог, И́же послу́шает огне́м, Той е́сть Бог». То слы́шавше вси лю́дие, ре́ша: «Добр глаго́л Или́ин, да бу́дет та́ко». Мы же, велича́юще тя, зове́м:

Ра́дуйся, вели́кий посла́нниче Царя́ Небе́снаго и провозве́стниче святы́х велений́ Его́;

ра́дуйся, адама́нте, нео́долимый в ре́вности и непоколеби́мый сто́лпе благоче́стия.

Ра́дуйся, си́льный защи́тниче исти́ны и твёрдый проти́воборниче врагов́ Бо́жиих;

ра́дуйся, нече́стия искорени́телю и насади́телю благоче́стия.

Ра́дуйся, пла́менный ревни́телю Боже́ствен-
ныя сла́вы;

ра́дуйся, я́ко и в послéдняя дни ми́ра имаши
проповéдовати И́стиннаго Бо́га и облича́ти
окая́ннаго анти́христа.

Ра́дуйся, Или́е, вели́кий проро́че, Вто́раго
прише́ствия Христо́ва сла́вный предте́че.

Кондак 5

Боготéчную ты звезду́ погаси́ти мня́ше
беззако́нная цари́ца Иезаве́ль: испо́лнившись бо
на ты я́рости за погубле́ние студи́ных ея́ проро́ков,
хотя́ше уби́ти ты. Ожесточи́ся бо се́рдце ея́ и не
хотя́ше ве́ровати чудесе́м твои́м, проро́че, и
позна́ти И́стиннаго Бо́га, пою́щи Ему́: Аллилу́иа.

Икос 5

Ви́девше вси лю́дие Изра́илевы, по моли́тве
твое́й, огонь от Го́спода с Небесе́ сше́дый на
же́ртву твою́, всехва́льне проро́че, и всю ю
поже́гший, дрова́ же, и ка́мень, и персть, и во́ду
потреби́вый, падо́ша на лица́ своя́, взыва́юще:
«Вои́стину Го́сподь Бог, Той есть Бог». И
ве́роваша лю́дие Бо́гови, студи́ныя же проро́ки
ты закла́л еси́. Сла́вляще у́бо Всеси́льнаго

чудодѣющаго Бѳга, тебѣ, уго́днику Егѳ, глаго́лем сице:

Ра́дуйся, превѣлие дерзнове́ние ко Влады́це вся́ческих стяжа́вый;

ра́дуйся, зна́мени и чудесы́ Божѣ́ственную И́стину утверди́вый.

Ра́дуйся, прѣлесть дѣ́монскую посрами́вый, и́стинную же ве́ру просла́вивый;

ра́дуйся, невер́ныя и́стинным боговѣ́дением просвети́вый.

Ра́дуйся, трикратным лия́нием на же́ртвенник воды́ тайну Пресвяты́я Трои́цы яви́вый;

ра́дуйся, я́ко все естество́ сущих тебѣ повинова́ся, огонь же и вода́ тебѣ служа́ху.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 6

Проповѣ́дник и́стиннаго боговѣ́дения и благо́честія яви́лся еси́, проро́че, не то́кмо во Изра́или, но и в странѣ́ язы́честей, по́слан быв от Го́спода в Сарѣ́пту Сидѳ́нскую к женѣ́ вдови́це препита́тися, па́че же да саму́ ту препита́еши в

гладѣ: имѣя бо велию чудотворѣния благодать, умножил еси муку и елей в дому ея неоскудно, дондеже прейде гладное время, и трикратным дуновѣнием, по молитве твоей, воскресил еси умершаго сына ея, поя чудодѣющему Богу: Аллилуиа.

Икос 6

Воссияв велию ревностию по Бозе Вседержители, zelo скорбел еси, пророче, яко оставиша завет Его сынове Израилевы, олтари Его раскопаша и пророки избиша. Господь же во утешение твое возвести тебе, яко не весь Израиль отступи от Него, но иматъ семь тысяч сокровенных рабов Своих, иже не преклониша колена своя Ваалу. Темже, воспоминающе ревность твою по Бозе, поем ти с благоговѣнием сицевая:

Радуйся, верный служителю и ближний друже Господень;

радуйся, образе и похвало благочестивых пастырей.

Радуйся, наставниче спасения и просвещение во тме сидящих;

ра́дуйся, защѣтникомъ и́стины му́жество
внуша́яй, в по́двизехъ же и страда́ннихъ за пра́вду
ихъ укрепля́яй.

Ра́дуйся, я́ко серафѣмскою пла́менною любо́-
вию к Бо́гу горѣл еси́;

ра́дуйся, я́ко и Госпо́дь во всемъ послу́шаше
тебе́ и по проше́нию тво́емъ вся творя́ше.

Ра́дуйся, Или́е, вели́кий проро́че, Вто́раго
прише́ствия Христо́ва сла́вный предте́че.

Кондак 7

Хотя́ Человеколю́бецъ Госпо́дь явити́ милосѣ́р-
дие Своѣ́ каю́щимся грѣшникомъ, по преше́ствии
прорече́ннаго глѣднаго вре́мене, низпосла́ по мо-
ли́тве тво́ей, проро́че, и глаго́ломъ уст твои́хъ, на
жа́ждушую зе́млю оби́льный и ми́рный дождь:
сы́нове же Изра́илевы, сподо́бльшиися то́ликия
ми́лости, во умилѣ́нии се́рдца благода́рственно
возопи́ша Бо́гу: Аллилу́иа.

Икос 7

Но́вое нечестѣ́вый царь Аха́в к беззакони́емъ
свои́мъ приложи́ злодея́ние, егда́ повеле́ убити́
непови́ннаго Навуфе́я и восхити́ виногра́дъ его́.
Сего́ ра́ди, обли́чая законопресту́пнаго царя́,
проре́кл еси́ ему́, проро́че, я́ко иде́же умерщвлѣ́н

бысть Навуфѣй, тамо и его кровь свиный и пси полизут, и жену его Иезавель снесут пси, и весь дом его истребится. Ведуще убо мы сбывшееся страшное сие проречение, ужасаемся, зовуще:

Радуйся, обидящих и жестокосердных грозный отмстителю;

радуйся, сирых и напастуемых крепкий заступниче.

Радуйся, не почитающих святых праздников Православныя Церкви карателю;

радуйся, продерзых хульников Имене Божия низложителю.

Радуйся, словом обличения, яко громом, беззаконныя поражая;

радуйся, будущая, яко настоящая, ведый и дальняя, яко близ сущая, прорицай.

Радуйся, Илие, великий пророче, Второго пришествия Христова славный предтече.

Кондак 8

Странное и преестественное показа Господь о тебе, пророче, промышление, егда повеле алчным и нечадолюбивым врагом питати тя в гладе при потоце Хорафове, идеже непрестанно

пребыва́я в моли́тве и богомы́слии, воспева́л еси́ Бо́гу: Аллилу́иа.

Икос 8

Весь был еси́ смире́нием ве́лиим укра́шен, проро́че Бо́жий, сего́ ра́ди с го́рдостию прише́дших к тебе́ двух пятидесятонача́льников с во́ины, да приве́дут тебе́ к беззако́нному царю́ Охо́зии, огнём попали́л еси́, со смире́нием же прише́дшаго к тебе́ А́вдия, иже пита́ше ученики́ проро́ческия, поми́ловал еси́. Сего́ ра́ди прино́сим ти похва́льные пе́сни сия́:

Ра́дуйся, го́рдых смири́телю и кара́телю, смире́нных же покрове́ и засту́пниче;

ра́дуйся, мздои́мных суде́й наказа́телю, пра́во же судя́щим помо́щниче.

Ра́дуйся, правове́рному во́инству во бра́нех спобо́рниче, нечестивых же супоста́т низложите́лю;

ра́дуйся, премудро́стию, я́ко бронёю, облече́нный и пра́вдою, я́ко щито́м, огражде́нный.

Ра́дуйся, ре́вностию по Бо́зе я́ко мечём воору́женный и постом, я́ко крила́ми, окриле́нный;

ра́дуйся, ве́рою, я́ко шлѐмом спасѣ́ния,
покрове́нный и лю́бовию, я́ко венце́м
пресвѣ́тым, венча́нный.

Ра́дуйся, Или́е, вели́кий проро́че, Вто́раго
прише́ствия Христо́ва сла́вный предте́че.

Кондак 9

Вся́кое челове́ческое естество́ зело́
удивля́ется, ка́ко ты, пречу́дный проро́че, шел
еси́ четы́редесять дний, ни яды́й, ни пия́й, до
горы́ Хори́ва, иде́же сподо́бился еси́ пресла́внаго
явлѣ́ния и пресла́дкия бесе́ды Го́спода
Вседержи́теля, поя́ Ему́: Аллилу́иа.

Икос 9

Витя́ многовещанна́я недоуме́ют дово́льно
разуме́ти и изъясни́ти, ка́ко ты, великоимените
Или́е, во плóти сый челове́честей и
подобостра́стен нам быв, восхи́щен еси́ с тѣлом
твои́м на не́бо, явльшейся тебе́ колесни́це
о́гненной с ко́ни о́гненными. Сла́вяще у́бо
просла́вльшаго тя Го́спода и дивя́щися
восхи́щению тво́ему, благоговейно зове́м ти:

Ра́дуйся, пречу́дным воздержани́ем вѣ́тхаго
челове́ка в себѣ умертви́вый;

ра́дуйся, огнём Божественна́я ре́вности вся́кое веще́ственное помышле́ние в себе́ попали́вый.

Ра́дуйся, прело́жением твои́м на Не́бо род челове́ческий возвесели́вый и жизнь ве́чную уве́ривый;

ра́дуйся, че́стию и сла́вою преесте́ственною от Бо́га почте́нный и па́че всех дре́вних проро́ков просла́вленный.

Ра́дуйся, от а́нгельских лико́в в селéниях небéсных ра́достно сре́тенный;

ра́дуйся, я́ко и́мя твоё́ во всем ми́ре почита́ется, и ре́вность твоя́ по Бо́зе zeló прославля́ется.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 10

Спасти́ хотя́ Всеблагий́ Бог лю́ди Изра́илены́ от преле́сти Ва́ловы, избра́ ты, вели́кий проро́че, во ору́дие во́ли Своея́ и облече́ ты Божественною́ вла́стию и си́лою, да обрати́ши неверны́я, исправи́ши беззаконны́я, просвети́ши омраче́нные и научи́ши всех вопи́ти Бо́гу: Аллилу́иа.

Икос 10

Стенá и заступлѣние бѹди нам, пресвяте пророче, мѹщным твоим ходатайством утѹляя праведный гнев Божий, поражающй нас, грѣшных и непотрѣбных, бездождием и гладом, ещѣ же тлетворными вѣтры и болѣзнями, да избавльшеся от бед, благодарственно поѣм тя:

Радуйся, молитвами твоими небо заключаая и отверзаяя, плодоносие земли и неплодие от Бога посылаяя;

радуйся, представтельством твоим пред Богом дожди мирны и росу животворную на земная прозябения низводяя.

Радуйся, свирѣпья волны морския и страшная бури утишаяя и громами и молниями по воле Божией управляяя;

радуйся, тлетворная вѣтры и смертоносная язвы, поражающия человеки же и скоты, укрощаяя.

Радуйся, сирых и вдовиц питателю и щедродательных людей покровителю;

радуйся, яко нечестивых хульников и гонителей правья веры поражаеши и духов злобы от рабов Божиих прогоняеши.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 11

Пе́ние умиле́нное приими́ от нас, проро́че Бо́жий Или́е, я́коже прия́л еси́ проше́ние Елисее́во, егда́ проси́ от тебе́, да бу́дет дух, и́же в тебе́, сугу́б в нем, и егда́, восхища́ясь на Не́бо, низпусти́л еси́ ему́ ми́лоть твою́, ю́же он взял, раздели́, я́коже и ты пре́жде, Иорда́нския во́ды, и бы́сть насле́дник де́йствовавши́я в тебе́ Бо́жия благода́ти: си́це и нас покрый́ ми́лотию твоея́ ми́лости от вся́ких бед и обстоя́ний, да со благодаре́нием зове́м Бо́гу: Аллилу́иа.

Икос 11

Светоза́рное свети́ло во Изра́или, всехва́льне проро́че, был еси́, сия́я равноа́нгельным жити́ем твои́м и му́дростию, е́ще же необы́чною ре́вностию по Бо́зе и чудеса́ пресла́вными, просвеща́я лю́ди и́стинным богове́дением и разгона́я мрак идоло́служе́ния. Те́мже воспису́ем ти похва́льная, пою́ще:

Ра́дуйся, лучеза́рная звездо́, сия́нием свои́м озари́вшая всю́ вселе́нную;

ра́дуйся, светоно́сная свеще́, непреста́нно
горя́щая и во тме се́дящих просвеща́ющая.

Ра́дуйся, ду́хом прему́дрости и ра́зума
озаре́нный, ду́хом сове́та и кре́пости испо́лнен-
ный;

ра́дуйся, ду́хом ве́дения и благоче́стия про-
свеще́нный и ду́хом стра́ха Бо́жия напое́нный.

Ра́дуйся, вы́сокими добродете́лями и
пресла́вными чуде́сы преукраше́нный;

ра́дуйся, я́ко суды́ Бо́жия на землі исполня́л
еси́, проро́ки же и ца́ри пома́зывал еси́.

Ра́дуйся, Или́е, вели́кий проро́че, Вто́раго
прише́ствия Христо́ва сла́вный предте́че.

Кондак 12

Благода́ть ве́лия дана́ ти бысть от Бо́га,
прехва́льне проро́че, я́ко в земне́й жи́зни твоёй
проро́чествовал и соверша́л еси́ дивна́я чуде́са,
та́же преесте́ственно восхи́щен был еси́ с плоти́ю
твоёю на не́бо: по восхи́щени́и же твоём дивно́
предста́л еси́ на Фаво́ре Преобрази́вшемуся Го́с-
поду и с ним бесе́довал еси́, и доднёсь не
престае́ши чуде́действовати и источа́ти ми́лости
и изцеле́ния усер́дно почита́ющим тя, Бо́гу же
ве́рно вопию́щим: Аллилу́иа.

Икос 12

Поюще твою пламенную ревность по Бозе и равноангельное житие, дивная же твоя и преславная чудеса и превелие благоволение к тебе Господа, восхваляем тя, великоимените пророче Илие; обаче не могуще достойно изобразити величие и славу твою, со умилением зовем ти сицевая:

Радуйся, ковчеже Божественныя славы и всечестный храм Пресвятыя Троицы;

радуйся, светильниче невечерний церкви и благовонный цвет рай Божественнаго.

Радуйся, благочестивых пустынников руководителю, девственников же наставниче и укрепление;

радуйся, яко грешников к покаянию возбуждаеши и всему роду христианскому жизнь вечную ходатайствуеши.

Радуйся, яко во светлостех святых неизреченныя славы наслаждаеши и непрестанно Господа славословиши;

радуйся, яко в конце времен велия знамения и чудеса имаши совершити на утверждение

люди́й во и́стинней ве́ре и на обличе́ние антихри́ста.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

Кондак 13

О предивный и пресла́вный проро́че Бо́жий Или́е, превели́й ревни́телю по Бо́зе, дожди́ и бездо́жие, плодонóсие на зéмлю и непло́дие от Бо́га посыла́яй! Услы́ши си́е ма́лое, благоговейно приносимое тебе́ на́ми моле́ние и твои́м те́плым ко Го́споду предста́тельством сохрани́ нас от бездо́ждия, гла́да и смертоно́сных боле́зней, пода́ждь же нам благорастворе́ние возду́ха и плодонóсие, и дух пра́вья ве́ры и благоче́стия, да изба́вльшися от ве́чных мук, сподо́бимся райскаго блаже́нства, пою́ще Бо́гу: Аллилу́иа.

Этот кондак читается трижды, зате́м 1й икос «А́нгел ре́вностию...» и 1й кондак «Избра́нный Бо́гом...».

Моли́тва 1

О прехва́льный и пречу́дный проро́че Бо́жий Или́е, просия́вый на земли́ равноа́нгельным жити́ем твои́м, пла́меннейшею ре́вностию по Го́споде Бо́зе Вседержи́теле, ещ́е же зна́мении и чу-

десы́ пресла́вными, та́же, по кра́йнему благоволе́нию к тебе́ Бо́жию, преесте́ственно восхище́нный на о́гненной колесни́це с плоти́ю твоёю на Не́бо, сподо́бивыйся бесе́довати с Преобрази́вшимся на Фаво́ре Спаси́телем ми́ра и ны́не в райских селе́ниях вы́ну пребыва́яй и предстоя́й Престо́лу Небе́снаго Царя́! Услы́ши нас, грешных и непотре́бных, в час сей предстоя́щих пред святою твоёю ико́ною и усер́дно прибега́ющих к хода́тайству твоёму́. Моли́ о нас Человеколю́бца Бо́га, да пода́ст нам дух пока́яния и сокруше́ния о гресе́х на́ших и всеси́льною Своёю благода́тию да помо́жет нам оста́вити пути́ нече́стия, приспевати́ же во вся́ком де́ле бла́зе, да укрепит́ нас в борьбе́ со страстьми́ и похотьми́ на́шими; да всади́т в се́рдце на́ше дух смире́ния и кро́тости, дух братолю́бия и незло́бия, дух терпе́ния и целому́дрия, дух ре́вности к Сла́ве Божией и спасе́нию бли́жних. Упраздни́ моли́твами твои́ми, проро́че, злы́я обы́чай ми́ра, па́че же поги́бельный и тлетво́рный дух ве́ка сего́, заража́ющий христиа́нский род неуваже́нием к Боже́ственной Правосла́вней ве́ре, к уста́вом Святы́я Це́ркве и к за́поведем Госпо́дним, непочте́нием к роди́телем и власте́м предержа́щим и

низвергающий людей в бездну нечестия, развращения и погибели. Отврати от нас, пречудне пророче, представительством твоим праведный гнев Божий и избави вся грады и веси от бездождия и глада, от страшных бурь и землетрясений, от смертоносных язв и болезней, от нашествия врагов и междоусобных брани. Испроси, пророче Божий, от Господа пастырем нашим святую ревность по Боже, сердечное попечение о спасении пасомых, мудрость в учении и управлении, благочестие и крепость во искушениях, судиям испроси нелицеприятие и безкорыстие, правоту и сострадание к обидимым, всем начальствующим попечение о подчиненных, милость и правосудие, подчиненным же покорность и послушание ко властям и усердное исполнение своих обязанностей; да, тако в мире и благочестии проживше в сем веце, сподобимся причастия вечных благ в Царствии Господа и Спаса нашего Иисуса Христа, Ему же подобает честь и поклонение со Безначальным Его Отцем и Пресвятым Духом, во веки веков. Аминь.

Моли́тва 2

О вели́кий и пресла́вный проро́че Бо́жий Или́е, ре́вности ра́ди твоея́ по сла́ве Го́спода Бо́га Вседержи́теля не терпе́вый зрети́ идолослуже́ния и нече́стия сыно́в Изра́илевых, облича́ый законопресту́пнаго царя́ Аха́ва и в наказа́ние тех триле́тний глад на зе́млю Изра́илеву моли́твою твоёю от Го́спода испроси́ый, да, отве́ргше ме́рзкия идо́лы и отсту́пльше от неправд и беззакони́й, обратя́тся ко Еди́ному И́стинному Бо́гу и исполне́нию святы́х Его́ за́поведей, вдови́цу Сарептскую в гла́де пречу́дно препита́ый и сы́на ея́ умерша моли́твою твоёю воскреси́ый, по прошестви́и же прона́рече́ннаго вре́мене гла́да, со́бранный на го́ру Карми́льскую наро́д изра́ильский в богоотсту́пстве и нече́стии укори́ый, та́же огонь моли́твою на же́ртву твою́ с небесе́ испроси́ый и чу́дом сим Изра́иля ко Го́споду обрати́ый, студи́ныя же проро́ки Ваа́ловы посрами́ый и умертви́ый, по сих же моли́твою па́ки не́бо разреши́ый и оби́льный дождь на зе́млю испроси́ый и лю́ди Изра́илевы́ возвесели́ый! К тебе́, предивный уго́днице Бо́жий, усер́дно прибега́ем, грешни́и и смире́ннии, томими́ бездо́ждем и зно́ем: испове́дуем, я́ко

недостойни есмы милости и благодеяний Божиих, достойни же паче лютых прещений гнева Его, скорби же и нужды и всяких зол и болезней. Не бо ходихом в страхе Божии и в путех заповедей Его, но в похотех развращенных сердец наших и всякий вид греха безчисленно сотворихом; беззакония наша превзыдоша главу нашу, и несмы достойни явиться пред лице Божие и зрети на небо. Исповедуем, яко и мы, якоже древний Израиль, отступихом от Господа Бога нашего, аще не верою, то беззаконными нашими, и аще не поклоняемся Ваалу и другим мерзким идолом, то раболепствуем страstem и похотем нашим, служаще идолу чревоугодия и сластолюбия, идолу корыстолюбия и честолюбия, идолу гордости и тщеславия, и вслед ходим богопротивным иноплемнным обычаем и погубельному духу времени. Исповедуем, яко сего ради заключися небо и сотворися аки медяно, яко заключися сердце наше от милосердия и истинныя любве ко ближнему; сего ради отверде земля и соделася неплодна, яко не приносим Господу нашему плодов добрых дел; сего ради несть дождя и росы, яко не имамы слез умиления и животворной росы Богомыслия; сего ради увяде всяк злак и трава сельная, яко изсше

в нас всякое благое чувство; сего ради омрачися воздух, яко ум наш омрачися студными помышленьми и сердце наше осквернися беззаконными похотеньми. Исповедуем, яко и тебе, пророче Божий, просити мы недостойни есмы. Ты бо, подобострастен быв нам человек, Ангелом в житии твоём уподобился еси и, аки безплотный, на небо восхищен еси, мы же студными помысли и деяньми нашими безсловесным скотом уподобихомся и душу нашу яко плоть сотворихом. Ты постом и бдением удивил еси Ангелов и человек, мы же, предающеся невоздержанию и сластолюбю, скотом несмысленным уподобляемся. Ты презельною ревностию о славе Божией выну горел еси, мы же небрежем о славе нашего Творца и Господа и стыдимся исповедывати достопокланяемое Имя Его. Ты нечестие и злыя обычаи искоренял еси, мы же рабствуем духу века сего, поставляюще богопротивныя обычаи мира паче заповедей Божиих и уставов Святыя Церкви. И кий грех и неправду не сотворихом мы, окаяннии? Истоцихом беззаконьми нашими долготерпение Божие. Темже правосудный Господь прогневался на нас и во гневе Своём наказал нас. Обаче ведуще велие дерзновение твоё пред

Господем и надеющиеся на любовь твою к роду человеческому, дерзаем молити тя, прехвальне пророче: милостив буди к нам, недостойным и непотребным. Умоли Великодаровитаго и Всещедрого Бога, да не до конца прогневается на ны и не погубит нас со беззаконными нашими, но да низпослет на жаждущую и иссохшую землю дождь обильный и мирный, да дарует ей плодonoсие и благорастворение воздуха. Преклони действительным твоим ходатайством на милость Царя Небеснаго, аще не ради нас, грешных и скверных, но ради избранных рабов Его, не преклонивших колена своя пред Ваалом мира сего, ради незлобивых и несмысленных младенцев, ради безсловесных скотов и птиц небесных, страждущих за наша беззакония и истаевающих от глады, зноя и жажды. Испроси нам твоими благоприятными молитвами от Господа дух покаяния и сердечнаго умиления, дух кротости и воздержания, дух любви и терпения, дух страха Божия и благочестия, да тако, возвратившися от стезей нечестия на правый путь добродетели, ходим во свете заповедей Божиих и достигнем обетованных нам благих, благоволением Безначальнаго Бога Отца, человеколюбием Единороднаго Сына Его и бла-

годатию Всесвятаго Духа, ныне, и присно, и во веки веков. Аминь.

